

Skógarvörðurinn á Norðurlandi:

STARFSSKÝRSLA FYRIR ÁRIÐ 1925.

Stefán Kristjánsson.

Starfsskýrsla skógarvarðarins á Norðurlandi fyrir árið 1925.

Skógarhögg:

Í Vaglaskógi var höggvið á árinu:

Eldiviður	610 hestburðir	
Birgðir f. f. ári	54 "	664 hestb.
Sent til R.vík.	7 1/2 "	
Selt hér á árinu	75 1/2 "	
Til aðgerðar á girð.	3 "	
Til kolagerðar	18 "	
Eldiv. skógarv.	169 "	
Leyft högg (eldiv.)	246 "	519 "
Fyrirliggjandi 31/12		<u>145 hestb.</u>

(sjá kolagerð síðu 2.)

Græðireitur:

Afhent var úr reitnum:

Birki	1.277 stk.
Reynir	239 -
Ribs	39 -
Víðikurl	50
Samt.	<u>1.605 stk.</u>

Af þessu voru skógræktarstjóra sendar 500 birkiplöntur.

Ýmisllegt:

Fræ var alls ekkert á skóginum á þessu hausti.

Enn hafa verið gerðir nokkrir girðingarstólpar úr steinsteypu, og settir í girðinguna, þar sem gömlu staurarnir eru orðnir ónýtir.

Í fyrra vetur rétt eftir áramótin, hljópsnjóflóð á girðinguna suður við syðra hornið. Tók það 32 stólpa og sleit niður allan virinn á 200 m. löngu svæði, frá hornstólpanum út að Grænum. Nú í vetur um jólaleitið, hefir aftur hlaupið snjóflóð á sama stað, og eyðilagt girðinguna á löngu svæði.

Tilraunareitirnir í skóginum voru mældir í haust í október mánuði og skýrsla um þá mælingu gerð og send strax að mælingunni lokinni eins og venja hefir verið.

Samkvæmt ósk ungmennafélags í Axarfirði, fór ég í sumar þangað austur, til þess að leiðbeina við grisjun á skógi. Var þar stefnt saman í Ferjubakkakinn, nokkrum mönnum, grisjuðu þeir þar dálítinn blett, eftir því sem ég merkði og sagði fyrir. Virðist vera nokkur álgugi hjá nokkrum mönnum þar, um að bæta meðferð skóganna frá því sem verið hefir, enda veitir ekki af að einhver lagfæring komist þar á, að því er skógarhögg snertir. Var ég í þessari ferð í sjö daga.

Ann þess fór ég ekki í ferðir fyrir skógræktina, nema eina ferð til Akureyrar í vor og var þá tvo daga að heiman, aðra ferð að Grund í haust til að líta eftir reitnum þar, og leita að lerkifræi. Fann ég um 20 köngla, flesta mjög smáa, sem ég sendi skógræktarstjóra í nóvember.

Kolagerð:

Til kolagerðar var tekinn úrkastsviður, af þeim viði, sem höggvinn var í vor, og átti að velja úr efnivið, sem sendast skyldi til Reykjavíkur. Gengu til þess 18 hestb., er því kostnaður við að fella trén, sem höfð voru til kolagerðar, ekki talinn með kostnaði við kolagerðina, heldur er hann undir kostnaði við högg. Sömuleiðis er talinn samdráttur og sortering á efnivið undir högg.

Við kolabrennsluna fengust 300 kg. af kolum, voru þau öll send skógræktarstjóra í haust.

Virðingarfyllst,

Vöglum 9. jan. 1926.

Stefán Kristjánsson.